



Pou Piblikasyon Imedya: 09/04/2022

GOUVÈNÈ KATHY HOCHUL

GOUVÈNÈ HOCHUL ANONSE LANSMAN PLAN LOJMAN KONPLÈ 25 MILYA DOLA NAN BIDJÈ ISTORIK ANE FISKAL 2023

Plan lojman konplè a pral kreye inite nan pri abòdab, ogmante lojman sipò ak pou moun aje yo, fè avanse opòtinite pou posede pwopriyete ak fè kay yo vin pi adapte ak anviwònman an

Gouvènè Kathy Hochul te anonse jodi a lansman yon plan lojman konplè, 25 milya dola nan bidjè istorik Ane Fiskal 2023 Eta a. Bidjè a gen ladan yon plan lojman 25 milya dola, sou senkan, ki pral kreye oswa prezèv 100,000 kay abòdab atravè New York, sa gen ladan 10,000 ki gen sèvis sipò pou popilasyon vilnerab yo. Bidjè Adopte a pral kontinye fè gwo envestisman pou konstwi nouvo lojman sipò, prezèv devlopman pou plizyè fanmi ki egziste yo, konstwi nouvo kay pou moun aje yo, kreye nouvo opòtinite pou nouvo mèt kay yo ak amelyore efikasite enèjetik atravè pak lojman aktyèl eta a.

"Kreye ak kenbe kay abòdab, sekirité, garanti pou fanmi, moun aje, veteran, adilt New York yo ki gen bezwen espesyal ak moun ki nan sitiyasyon sanzabri yo se yon foto mitan administrasyon mwen an epi bidjè ane sa chita sou angajman sa", **Gouvènè Hochul te deklare.** "Envestismann konplè sa yo esansyèl pou sèvi lokatè ak mèt kay ki gen revni ba ak modere yo, prezèv ak pwoteje pak lojman aktyèl nou an, envesti nan kay ak pak prefabrike atravè eta a epi ede sila yo ki gen ensekirite lojman, epi mwen remèsyé lidè lejislatif yo pou travay yo nan ede asire envestisman istorik sa yo".

Gouvènè Hochul ap bati sou siksè plan lojman aktyèl eta a avèk kreyasyon yon nouvo plan, sou senkan, 25 milya dola ki pral konsantre sou rekiperasyon ekonomik, jistics sosyal, aksyon klimatik ak koneksyon dijital amelyore.

Plan an gen ladan 5.7 milya dola nan resous kapital, 8.8 milya dola nan kredi fiskal Eta ak Federal ak lòt alokasyon federal, ak 11 milya dola pou sipòtè operasyon abri ak inite lojman sipò yo ak bay sibvansyon pou lokasyon.

Li prevwa tou elektrifikasyon 50,000 kay siplemantè nan kad plan Eta a genyen pou l elektrifye yon milyon kay ak fè yon milyon lòt kay pare pou elektrifikasyon.

Gran pwen plan an gen ladan:

- 1.5 milya dola pou kreyasyon ak prezèvasyon lojman sipò ki bay moun ak fanmi yo ki bezwen sèvis sipò epi ki nan sitiyasyon sanzabri oswa ensekirite lojman avèk resous sou plas yo bezwen pou yo pwospere ak viv poukонт yo;
- 1 milya dola pou nouvo konstriksyon lojman abòdab pou plizyè fanmi pou ede moun ak fanmi yo jwenn nouvo opòtinite pou viv yon fason abòdab;
- 450 milyon dola pou prezève lojman lokasyon aktyèl pou plizyè fanmi ki pral sèvi pou ranfòse lojman abòdab atravè eta a epi pèmèt moun ak fanmi yo rete loje yon fason estab;
- 400 milyon dola pou fè avanse opòtinite pou posede pwopriyete atravè eta a, espesyalman nan mache ki istorikman mal sèvi yo epi pou bay fanmi ki gen revni ba yo opòtinite pou reve vin pwopriyetè pou premye fwa;
- 300 milyon dola pou lojman moun aje pou ede Nouyòkè ki pi aje yo vyeyi nan kay ki gen sekirite ki satisfè bezwen sante yo nan kominate yo renmen.
- 250 milyon dola pou fon elektrifikasyon nasyonal pou amelyore efikasite enèji nan initiate lojman moun ki gen revni ba yo;
- 220 milyon dola pou devlopman Mitchell-Lama yo atravè eta a pou prezève aksesibilite ak fè amelyorasyon kapital alontèm enpòtan ansanm ak kreyasyon aksè nan pwopriyete yon fason pèmanan ki aksesib;
- 200 milyon dola pou prezève lojman pubblik andeyò Vil New York - lojman sa souvan sèvi Nouyòkè ki gen revni ki pi ba yo epi bezwen envestisman kapital; epi
- 105 milyon dola pou prezève pwopriyete lokasyon riral yo ak pak lojman mobil ak prefabrike yo.

Bidjè Adopte Ane Fiskal 2023 a pral abòde tou plizyè priyore lojman kle siplemantè tankou 350 milyon dola nan amelyorasyon kapital pou Otorite Lojman Vil New York ak 100 milyon dola pou Loje Vwazen Nou yo Avèk Diyite pou transfòme pwopriyete komèsyal vid yo ak pwopriyete otèl an difikilte yo atravè eta a.

Anplis de sa, 85 milyon dola nan finansman pral ede pote initiate lojman akseswa aktyèl atravè eta a — sa gen ladan apatman nan sousòl, initiate garaj ak chalè nan lakou dèyè — an konfòmite avèk kòd la ak amelyore sekirite pou opsyon lojman altènativ sa yo.

50 milyon dola te distribiye pou bank fonsye yo pou achte ak reyamenaje pwopriyete ki vid oswa abandone yo pou pi byen sèvi enterè pubblik la.

35 milyon dola pral distribiye pou kreye yon Pwogram Asistans Legal pou Anpeche Ekspilsyon pou mete konseye jiridik gratis yo pi disponib pou lokatè ki gen revni ba ak modere yo pou defann kont pwosè ekspilsyon yo.

35 milyon dola pral sipòte Pwogram Pwoteksyon Mèt Kay la ki pral ede asire Nouyòkè yo pa fè fas ak pèt kay yo akòz yo pa gen asistans legal oswa konsèy kalifye sou lojman.

Pwogram Prezèvasyon Riral ak Prezèvasyon Katye yo pral resevwa premye ogmantasyon yo nan finansman depi kreyasyon yo plis pase 40 ane de sa. Nan bay

plis pase 18 milyon dola nan finansman, pwogram yo pral ouvri pou plis Konpayi Katye ak Riral ki bay sipò lokal, premye liy pou bezwen lojman nan kominate ak katye yo atravè eta a.

Yon total 36 milyon dola prale nan Kòporasyon Lojman Abòdab Eta New York (Affordable Housing Corporation, AHC) pou ogmante opòtinite pou akeri pwopriyete pou fanmi ki gen revni ba ak modere yo nan bay sibvansyon pou òganizasyon gouvènmantal, san bi likratif ak byenfezans yo pou ede sibvansyon kou nouvo kay ki konstwi yo ak renovasyon lojman ki egziste.

Pwogram Tès Lojman Ekitab Eta a pral bay 2 milyon dola siplemantè pou kapab ogmante kapasite pou envestige pwoaktivman diskriminasyon nan lojman yo sispièk ak ranfòse efò edikasyon ak sansibilizasyon yo sou dwa ak lojman ekitab epi egzijans pou pwopriyetè, lokatè, pwofesyonèl imobilye ak gouvènman lokal yo.

###

Lòt nouvèl disponib sou sit www.governor.ny.gov
Eta New York | Cham Egzekitif | press.office@exec.ny.gov | 518.474.8418

[ANILE ENSKRIPSYON OU](#)